



# Халқ сўзи

Ўзбекистон —  
кељаги  
буюк  
давлат

1991 йил 1 январдан чиқа бошлаган

http://xs.uz

E-mail: Info@xs.uz

2013 йил 14 май, № 92 (5766)

Сешанба

## Истиқболли лойиҳалар ва илғор тажрибалар

Тошкентда бўлиб ўтаётган “Энергетика — Power Uzbekistan — 2013” VIII Халқаро ихтисослаштирилган кўргазмасида намоиш этилмоқда



ХАЛҚАРО КЎРГАЗМА

Ўзбекистоннинг энергетика тизимидаги юксак салоҳияти, соҳани янада ривожлантириш ва модернизациялашга қаратилган йирик лойиҳаларни амалга ошириш бўйича тўпланган бой тажриба намоишига айланган мазкур тадбирнинг нуфузи йил сайин ошиб бораёпти. У нафақат минтақамиз, балки дунёнинг ўнлаб мамлакатидан соҳа мутахассислари, йирик ишлаб чиқариш субъектларини жамлаётгани ана шундан далолатдир.



Бу галги тадбир экспозицияси майдони аввалгисига қараганда 45 фоизга кенгайиб, шунга мос равишда иштирокчилар сони ҳам кўпайди: 60 дан зиёд маҳаллий ва хорижий компаниялар ўз маҳсулотларини кенг кўламда намоиш қилмоқда. Улар орасида Германия, Франция, Хин-

дистон, Хитой, Қозоғистон, Украина, Беларусь, Чехия каби давлатларнинг жаҳонга машҳур компаниялари бор. Кўргазманинг очилиш маросимида сўзга чиққанлар таъриқлаганидек, Президентимиз ташаббуси билан энергетика тизимини ривожлантириш, соҳага ички ва ташқи инвестиция-

ларни жалб этган ҳолда, йирик объектларни барпо қилишга алоҳида эътибор қаратилмоқда. Натижада иссиқлик ва электр энергияси ишлаб чиқариш ҳажми муттасил ошиб бораётди. Бу ҳақда гап кетганда, 2012 йилда Навоий иссиқлик электр станциясида Япониянинг “Мицубиси” компанияси томо-

нидан ишлаб чиқарилган, 478 мегаватт қувватга эга бўлган буғ-газ қурилмасининг ишга туширилгани алоҳида қайд этиш лозим. Негаки, ушбу йирик лойиҳанинг амалга оширилиши туфайли йилга қўшимча равишда 2 миллиард 800 миллион килловатт-соат электр энергияси ишлаб чи-

қариш имконияти вужудга келди. Энг асосийси, шартли ёқилги сарфи 1,8 марта камайиб, йилга 400 миллион куб метр табиий газ соҳаладиган ёки 110 миллион АҚШ долларидан ортиқ маблағ иқтисод қилинадиган бўлди.

(Давоми 2-бетда).

### ДИЛ СЎЗИ

Истиқлол берган неъмат — осуда ҳаёт, фаровон турмуш барчамизнинг, аввало, фарзандларимизнинг бахти, юртимиз келажакнинг асосидир. Президентимиз ўтган ҳафтада нишонланган Хотира ва қадрлаш куни муносабати билан пойтахтимиздаги Хотира майдонида оммавий ахборот воситалари вакиллари билан суҳбатда айни шу хусусда яна бир бор тўхталиб, бу неъматнинг қадрига етиш зарурлигини алоҳида таъкидлади. Айтиш кераки, давлатимиз раҳбарининг фикр-мулоҳазалари ҳар бир инсонни юртимиздаги осуда ҳаёт бардавонлигини таъминлаш учун ҳушёрликка, халқаро майдондаги вазиятни тўғри баҳолаб, ён-атрофда юз бераётган воқеа-ҳодисаларга нисбатан сезгир муносабатда бўлишга ундайди. Бинобарин, ўз муносабатларини билдираётган юртдошларимиз ҳам айнан шундай фикрда.

## Тинчлик-хотиржамлик — бебаҳо неъмат

**Абдурасул САЛОМОВ, Иккинчи жаҳон уруши қатнашчиси, Бухоро вилояти:** — Шукрки, юртимиз тинч, турмушимиз фаровон. Айниқса, кексаларга кўрсатилётган гамхўрликдан жуда ҳам мамнунман. Қаерга бормайлик, давраларнинг тўри бизники. Эл-юрт эъзозидамиз. Хотира ва қадрлаш куни арафасида эса биз, Иккинчи жаҳон уруши қатнашчилари Президентимизнинг Фармониға мувофиқ, моддий рағбатлантирилдик. Ёшим тўксондан ошди. Етти нафар фарзандим, ўттиздан ортиқ неварою чева-

рам бор. Хонадонимизда деярли ҳар йили тую тантана ўтказилади. Маҳалладошларим ҳам тез-тез йўқлаб туришади. Мақалбларга тақлиф қилишади. Кенг ва ёруғ синфхоналар, замонавий ўқув жихозларини кўриб, яширмайман, ҳозирги ёшларга ҳавасим келади. Буларнинг барчаси тинчлик шарофатидан. Хонадонимиз, маҳалламиз тинч бўлса, юрт осойишта бўлади. Буни асло ёддан чиқармаслигимиз, тинчлик иморатини янада мустаҳкамлашга доимо муносиб ҳисса қўшишимиз керак.

(Давоми 2-бетда).

## Бельгияда тақдимот

Ўзбекистоннинг ижтимоий-иқтисодий ва сайёҳлик салоҳиятига бағишланди

Бельгиянинг Оуденард шаҳрида бўлиб ўтган “The Geko Ypres rally” халқаро автопойгаси доирасида Ўзбекистоннинг ижтимоий-иқтисодий ва сайёҳлик салоҳиятига бағишланган тақдимот ташкил этилди.

### БИЗ ВА ЖАҲОН

Тадбирда Оуденард ва Кортрейк шаҳарлари мэриялари вакиллари, Бельгиянинг сайёҳлик агентликлари, жамоат ташкилотлари ва оммавий ахборот воситалари ходимлари ҳозир бўлдilar.

Тақдимотда Ўзбекистоннинг макротиқисодий кўрсаткичлари, жумла-

дан, иқтисодиётнинг ўсиши ҳамда sanoat ишлаб чиқариши даражаси тўғрисидаги батафсил маълумотлар қатнашчилар эътиборига ҳавола қилинди. Таъкидланганидек, мамлакатимизнинг сарможий жозибадорлигини юксалтириш йўлида изчил амалга оширилаётган ислохот-

лар чет эл инвестициялари миқдорининг мунтазам ошиб бориши ва Ўзбекистон иқтисодиётининг реал сектори тараққиётига хизмат қилмоқда.

Тадбир меҳмонлари юртимизда халқаро мезонларга жавоб берадиган юқори сифатли маҳсулотлар ишлаб чиқариш ҳажмини ошириш, sanoat корхоналарини техникавий ҳамда технология жихатдан модернизация қилиш ва аҳоли бандлигини таъминлаш юзасидан ҳаётга татбиқ этилаётган кенг кўламда чора-

(Давоми 2-бетда).

## Қонунчилик фаолиятининг янги босқичи

Маълумки, яқинда “Ўзбекистон Республикаси Олий Мажлиси Қонунчилик палатасининг Регламенти тўғрисида”ги Ўзбекистон Республикаси Қонунига ўзгартиш ва қўшимчалар киритиш ҳақида”ги Ўзбекистон Республикаси Қонуни кучга кирди.

### ПАРЛАМЕНТ ҲАЁТИ

Мазкур ҳуқуқий ҳужжат мамлакатимизда демократик ислохотларни янги босқичга олиб чиқиш, парламент, сиёсий партиялар ва улар фракцияларининг фаолиятини янада тараққий топтириш, бу борадаги модернизация жараёнларида си-

фат жихатдан навбатдаги даража ва уфқларни очишга йўналтирилгандир. Бинобарин, унда белгилаб берилган устувор вазифаларнинг изчил ижроси кўзланган марраларга эришиш, юрт равнақи, халқимиз турмуш фаровонлигини янада юк-

(Давоми 2-бетда).

Мамлакатимизда шу йилнинг биринчи чораги мобайнида истеъмол товарлари ишлаб чиқариш ҳажми

9,4 фоизга ошди.

БИР РАҚАМ ШАРҲИ

ИСТЕЪМОЛ ТОВАРЛАРИ ҲАЖМИ ВА ТУРИ КЎПАЙМОҚДА

2011 — 2015 йилларда Ўзбекистон Республикаси sanoatини ривожлантириш дастури доирасида истеъмол товарлари ишлаб чиқаришни кенгайтиришни рағбатлантириш, мавжуд қувватларни модернизация қилиш ва янгиларини ишга тушириш, айниқса, маҳаллийлаштириш жараёнларини қучураштириш бўйича кўрилган чора-тадбирлар туфайли соҳада юқори ўсиш суръати таъминланди.

### Янгиликлар, воқеалар,

## хабарлар

Хўжайли туманидаги “Nurbek oq oltin” хусусий корхонаси автомобилларга техник хизмат кўрсатишга ихтисослаштирилган.

### Хизмат кўрсатишдан ишлаб чиқаришга

Яқинда ушбу корхона раҳбари Лочинбек Хўжалепесов сай-ҳаракати билан автомобиль аккумулятори ишлаб чиқариш ўзлаштирилди. Бу ерга ўрнатилган хориж технологияси ёрдамида йилига 1000 донагача маҳсулот тайёрлаш мумкин. — Ушбу лойиҳани амалга оширишда банкнинг 50 миллион сўмлик имтиёзли кредитидан ҳам фойдаландик, — дейди тадбиркор. — “Карэнерджи” номи билан 5 турдаги дастлабки 10 миллион сўмлик аккумуляторларни ички бозорга чиқардик. Таъкидлаш ўринлики, жорий йилнинг биринчи чорагида туманда жами 690 миллион сўмлик 7 та лойиҳа амалга оширилди.

Ҳудоят АҲМЕДОВ, «Халқ сўзи» мухбири.

### Буюртмалар сони ортимоқда

Узун туманидаги “Фидокор Сурхон агроماش” масъулияти чекланган жамияти жамоаси қишлоқ хўжайлиги техникаларини таъмирлаш билан шуғулланиб келади.

— Яқинда техник ва технология ишланмаларни соҳага татбиқ этиш орқали Олмалик кон-металлургия комбинатининг Хонжиза бошқармаси тасарруфидаги техникалар учун эҳтиёт қисмлар ва турли дастгоҳлар ишлаб чиқаришга йўлга қўйдик, — дейди жамият мутасаддиларидан бири Қобилжон Ҳамзаев. — Айни пайтда буюртмачиларимизга ойига ўртача 150 миллион сўмлик импорт ўрнини босувчи маҳсулот етказиб берилаёпти. Эътиборлиси, жамоанинг изланишлари туфайли жорий йилнинг биринчи чорагида 600 миллион сўмлик лизинг ҳамда корхонанинг ўз маблағи эвазига металл-ни қайта ишлаш ҳамда шиша идishлар тайёрлаш цехлари ҳам фойдаланишга топширилди.

Нормурод ТЕМИРОВ, «Халқ сўзи» мухбири.

### Сержило буюқлар сеҳри

Жорий йилнинг биринчи чорагида Қашқадарё вилоятидаги 8 та корхонада Маҳаллийлаштириш дастури доирасида 15 та лойиҳа амалга оширилиб, маҳсулот ишлаб чиқариш ҳажми ўтган йилнинг шу давридагига нисбатан 2,2 баробар кўпайди.

Хусусан, Китоб туманида фаолият кўрсатаётган “Воҳа машъали” корхонасида хориж технологияси асосида 2 турдаги лок-бўёқ маҳсулотлари тайёрлашга киришилди. Маҳсулот ишлаб чиқаришдаги асосий хом ашё — микрокальцит худуддаги тоғ конларидан олинаётгани маҳсулотлар таннархини арзонлигини таъминламоқда.

Корхонада жорий йилнинг биринчи чорагида 200 тоннага яқин лок-бўёқ маҳсулотлари ишлаб чиқарилди.

Аҳад МУҲАММАДИЕВ, «Халқ сўзи» мухбири.

### “Бизнес автобус” йўлга чиқди

“Камолот” ЁИХ Наманган вилояти Кенгаши қошидаги “Ёш тадбиркор” ўқув-маслаҳат марказида йигит-қизлар бошланғич бизнес сирларидан сабоқ олишмоқда.

Яқинда бу ерда бир қатор ташкилотлар билан ҳамкорликда ташкил этилган “Бизнес автобус” ёрдамида маҳалла ва ўқув юртига сафарлар уюштирилаётди. Акцияга “Ёш тадбиркор” ўқув-маслаҳат марказини битириб чиққан 20 нафардан ортиқ ёшлар ва мутахассислар жалб этилган бўлиб, улар замонавий ахборот технологиялари ёрдамида “Менинг бизнес гоям” мавзуда тарғибот ишларини олиб боришмоқда. Жумладан, Наманган давлат университети, Наманган муҳандислик педагогика институти ва бир қатор касбхунар коллежларида ташкил этилган тадбирлар чоғида 4300 нафар ёш бизнесни йўлга қўйишнинг асосий шартлари бўйича тушунча олдилар. Шундан 174 нафар имтиёзли кредит олиб, ишлаб чиқариш ва хизмат кўрсатиш соҳасига йўналтирилган лойиҳаларини амалга оширдилар.

Қудратилла НАЖМИДДИНОВ, «Халқ сўзи» мухбири.





